

|   |                               |
|---|-------------------------------|
| REPUBLIKA E KOSOVES-REPUBLIKA KOSOVA-REPUBLIC OF KOSOVO                     |                               |
| QEVERIA-VLADA-GOVERNMENT  |                               |
| MINISTRIA E PUNES DHE MIRËQENIES SOCIALE                                    |                               |
| Ministarstvo Rada i Socijalne Zastite-Ministry of Labour and Social Welfare |                               |
| Sektori i Arkivit-Sektor Arhive-Archive Sector                              |                               |
| Nr. Org.<br>Org. Jedinica<br>No Unit  | Nr. Prot.<br>Prot. No:<br>123 |
| Nr. Listave<br>List. Stranica<br>No pages                                   | Datimi<br>Datum:<br>10,09,20  |



**Republika e Kosovës**  
**Republika Kosova - Republic of Kosovo**  
**Qeveria - Vlada - Government**  
**Ministria e Punës dhe Mirëqenies Sociale**  
**Ministarstvo Rada i Socijalne Zastine - Ministry of Labour and Social Welfare**

**Datë: 10.09.2020**

Në mbështetje të nenit 145(paragrafi 2), të Kushtetutes së Republikës së Kosovës, Ligjit nr.06/L-113 për Organizimin dhe Funksonimin e Administratës Shtetërore dhe të Agjencive të Pavarura, (Gazeta Zyrtare e Republikës së Kosovës/Nr.7/01 Mars 2019), nenin 17(paragrafi 5 dhe 6) të Rregullorës Nr.02/2011 për Fushat e Përgjegjësitë Administrative të Zyrës së Kryeministrit dhe Ministrive (22.03.2011), nenin 5 (paragrafi 5.4 c) të Rregullorës 2001/19 për Degën e Ekzekutivit, Rregulloren Nr.06/2020 si dhe Rregulloren e MF-NR. 04/2017 mbi Kriteret, Standardet dhe Procedurat e Financimit publik të OJQ-ve, Sekretari i Përgjithshëm i Ministrisë së Punës dhe Mirëqenies Sociale, *nxjerr këtë:*

**VENDIM**

**Thirrje publike për mbështetje financiare publike për projektet e OJQ-ve në fushën e shërbimeve sociale, aftësimin profesional, punësimin, pensioneve dhe zhvillimit të aktiviteteve të promovimit për të drejta sociale për grupet e cenueshme**

I

1. Për implementimin e thirrjes publike do të zbatohen dispozitat e Rregullores mbi kriteret, standardet dhe procedurat e financimit publik të OJQ-ve.
2. Mbështetja financiare publike për projektet e OJQ-ve do të ofrohet nga buxheti i Ministrisë së Punës dhe Mirëqenies Sociale, kodi ekonomik 21200, në kuadër të nënprogrameve buxhetore të MPMS-së 01500, 0600, 00431 dhe 00912.

## II

1. Mjetet e përmendura në Nenin I të këtij vendimi do të shpërndahen në bazë të thirrjes publike për financimin e projekteve të OJQ-ve, sipas dokumentacionit për zbatimin e thirrjes, e cila është pjesë përbërëse e këtij vendimi.

## III

1. Dokumentacioni për zbatimin e thirrjes sipas pikës I të këtij vendimi përfshin:

1. Tekstin e thirrjes publike,
2. Udhëzimet për aplikantët,
3. Formularët e aplikimit,
4. Formën për vlerësimin e cilësisë së projekteve,
5. Format për raportimin e zbatimit të projektit.

2. Formularët e aplikimit referuar në paragrafin 1 të këtij neni, janë:

1. Forma e përshkrimit të projektit,
2. Forma e buxhetit të projektit,
3. Forma e deklaramentit të mungesës së fondeve të dyfishta,
4. Deklarata e Partneritetit (nëse është e aplikueshme),
5. Forma e deklaratës së programeve apo projekteve të OJQ-ve të financuara nga burimet publike,
6. Deklarata për aktivitetet e kontraktorit të përmendur në përshkrimin e aktiviteteve të projektit që janë njohur me programin ose projektin dhe pjesëmarrjen e tyre në zbatim (nëse aplikohet).

3. Formularët për zbatimin dhe raportimin e projekteve të referuara në paragrafin 1 të këtij neni janë:

1. Forma e kontratës për financimin e projektit,
2. Formulari për përgatitjen e raportit narrativ për projektin,
3. Formulari për përgatitjen e raportit financiar të projektit.

## IV

Thirrja publike dhe dokumentacioni për zbatimin e thirrjes do të publikohen në mënyrë të plotë në faqen e internetit të MPMS-së: <http://www.mpms.rks-gov.net>.

## V

1. Në përputhje me Rregulloren për kriteret, standardet dhe procedurat e financimit publik për OJQ-të dhe Udhëzuesin për Aplikantët, MPMS-ja do të krijojë një Komision Vlerësues për hapjen dhe regjistrimin e aplikacioneve si dhe verifikimin e kushteve të përcaktuara të thirrjes publike.
2. Komisioni Vlerësues do të bëjë me vlerësimin e përmbajtjes së aplikacioneve të projekteve të pranuar që kanë përmbushur me sukses kushtet formale për të qenë pjesë e konkurrimit sipas paragrafit 1 të këtij neni.
3. Anëtarët e Komisionit Vlerësues do të punojnë në përputhje me procedurën e përcaktuar në Udhëzuesin për Aplikuesit dhe rregullat e parapara me Rregulloren për financimin publik të OJQ-ve.

## VI

1. Pasi të merret vendimi mbi aplikuesit e suksesshëm, projektet e të cilëve i plotësojnë kushtet për financim, udhëheqësi i institucionit merr vendim për ndarjen e mjeteve për financimin e projekteve të OJQ-ve.
2. MPMS do të njoftojë përfituesit për kohën e nënshkrimit të kontratave dhe do të bëjë transferin e mjeteve financiare tek përfituesit/OJQ-të.
3. Përgjegjës për zbatimin e këtij vendimi janë departamentet përkatëse që mbulojnë fushat në bazë të thirrjes publike të shpallur nga Ministria e Punës dhe Mirëqenies Sociale.

## VII

1. Vendimi hyn në fuqi në ditën e nënshkrimit.

Iu dërgohet:

- Ministrit të MPMS-së,
- Departamenteve të MPMS-së,
- Divizionit të Buxhetit në MPMS,
- Arkivit të MPMS-së.

U.d. Sekretar i Përgjithshëm i MPMS-së



Feim Osmani